

Յունիս 30. № 1698. Կովկասեան Փոխարքայի պաշտօնակատարից խնդրուեց տնօրինել, որ Թավրիզի ռուսաց Գեներալ Հիւպատոսը պահակներ տայ տեղւոյն առաջնորդ Տ. Կարապետ եպիսկոպոսին գնալու Ս. Թաղէոս առաքելի վանքը վանահօր սպանութեան և աւերածութիւնների հանգամանքը քննելու համար:

Յունիս 1. № 1699. Առաջագործիւն Ատրպատականի Հայոց առաջնորդ Տ. Կարապետ եպիսկոպոսի անունով, որով յայտնուեց թէ իրան պահակներ տալու համար դիմուեց ուր հարկն է:

ՔԱՂԱՅԻՄ ՍԻՆՕԴԻ ՕՐԱԳԻՐՆԵՐԻՅ

Յունիսի 1-ին թ. 385, Սինօդը լսեց Երևանի Կոնսիստորիայի անցած Մարտի 13-ի թ. 1884 յայտարարութիւնը Զանգեզուրի գաւառի Եայջի գիւղացի Թէոֆորոս Տէր Սահակեանին թահանայ ձեռնադրելու մասին, որոշեց, թոյլ տալ Երևանի Կոնսիստորիային ընդունել հոգևոր կոչման մէջ Թէոֆորոս Տէր Սահակեանին և առաջագրել Երևանի Փոխ-Թեմակալին ձեռնադրել նրան քահանայ Եայջի գիւղի համար:

Յունիսի թ. 390. 3-ին Սինօդը լսեց Երևանի Կոնսիստորիայի անցած փետրուարի 26-ի թ. 1028 յայտարարութիւնը մահեմետական Ալի Ռճօ օղլուն լուսաւորչական դաւանութիւն ընդունելու մասին, որոշեց, թոյլ տալ Երևանի Կոնսիստորիային ընդունել Հայաստանեաց եկեղեցու ծոցը նոր Բայազետի գաւառի Նորադուղ գիւղի վերաբնակիչ մահեմետական քուրդ Ալի Ռճօ օղլուն:

Յունիսի 3-ին թ. 391. Սինօդը լսեց Երևանի Կոնսիստորիայի անցած ապրիլի 30-ի թ. 2625 յայտարարութիւնը Էջմիածնի գաւառի Բիւրական գիւղի բնակիչ Գեղամ Տէր Յովհաննիսեան Սաղաթելեանին Ինաքլու գիւղի վերայ քահանայ ձեռնադրելու մասին, որոշեց, թոյլ տալ Երևանի Կոնսիստորիային ընդունել հոգևոր կոչման մէջ յիշեալ Սաղաթելեանցին և առաջագրել Երևանի Փոխ-Թեմակալին

ձեռնագրել նրան քահանայ էջմիածնի դաւառի Խնաքլու գիւղի համար:

Յունիսի 3-ին թ. 392. Սինոդը լսեց Երևանի Կոնսիստորիայի անցած Մայիսի 7-ի թ. 3089 յայտարարութիւնը Երևանի դաւառի Շահապ գիւղի եկեղեցու նորոգութեան մասին. որոշեց, թոյլ տալով Շահապ գիւղի եկեղեցու նորոգութիւնը, նկատողութիւն անել գիւղի ծխական հոգաբարձութեանը, որ առանց կանխագոյն թոյլտուութեան յիշեալ նորոգութեան մեծ մասն արդէն արել է:

Յունիսի 10-ին թ. 407. Սինոդը լսեց Ամենապատիւ Տ. Տեղակալի այս յունիսի 7-ի թ. 1630 առաջադրութեան հետ յանձնուած ներքին գործերի պ. նախարարի անցած մայիսի 25-ի թ. 4868 գրութիւնը, որով պ. նախարարը յայտնում է թէ, որպէս հաղորդում է Նախկերկասկի դատական Պալատի Պրօկուրօրը, Յուսիկ վարդապետ Զօհրաբեանի մեղադրական գործը առաջարկուելէ կարճելու. որոշեց, ներքին Գործոց պ. նախարարի գրութեան իմաստի համաձայն Սինոդիս անդամ Տ. Յուսիկ վարդապետին հրաւիրել վարելու իւր պաշտօնը:

Յունիսի, 10-ին թ. 409. Սինոդը լսեց Վրաստանի Հայոց Կոնսիստորիայի անցած տարուայ Դեկտեմբերի 16-ի թ. 5874 յայտարարութիւնը Աղէքսանդրապօլի դաւառի Փիրթիքեան գիւղի բնակիչ Արամ Մանուկեանցին Բորչալուի դաւառի Աղքեօրփի գիւղի վերայ քահանանայ ձեռնագրելու մասին, որոշեց, թոյլ տալ Վրաստանի Հայոց Կոնսիստորիային հոգևոր կոչման մէջ ընդունել Աղէքսանդրապօլի դաւառի Փիրթիքեան գիւղացի Արամ Տէր Յարութիւնեան Մանուկեանցին և առաջադրել Տ. Եփրեմ եպիսկոպոսին ձեռնագրել նրան քահանայ Բորչալուի Աղ-Քեօրփի գիւղի համար:

Յունիսի 15-ին թ. 420. Սինոդը լսեց Վրաստանի Հայոց Կոնսիստորիայի անցած մայիսի 9-ի № 2104 յայտարարութիւնը, որից երևում է, որ Բաթումում մեռած հայ-լուսաւորչական Սարգիս Աւետսեանին վերջինս կաթօլիկ կինը թաղել է տուել հայ կաթօլիկներին գերեզ-

մանատանը առանց օրինական ծիսակատարութեան. որոշեց. պատուիրել Վրաստանի Հայոց կոնսիստորիալին Բաթումի բնակիչ հանգուցեալ Սարգիս Աւետեանի կնոջը յանձնել ի դատ մարմնաւոր իշխանութեան քրեական օրինաց 78 յօդուածի համաձայն իւր ամուսնուն առանց եկեղեցական ծիսակատարութեան թաղելու համար:

Յունիսի 17-ին թ. 426. Սինօզը լսեց Ղարաբաղի Կոնսիստորիայի անցած մայիսի 3-ի № 1149 յայտարարութիւնը Կարեազինի գաւառի Թաղասիս գիւղի բնակիչ Բազդասար Գրիգորեանին քահանայ ձեռնադրելու մասին. որոշեց. թոյլ տալ Ղարաբաղի կոնսիստորիային ընդունել հոգեւոր կոչման մէջ Թաղասիս գիւղի բնակիչ Բազդասար Գրիգորեանին և թեմում եպիսկոպոս չլինելու պատճառով առաջադրել Վրաստանի Հայոց Կոնսիստորիայի նախագահող Տ. Եփրեմ եպիսկոպոսին ձեռնադրել նրան քահանայ յիշեալ Թաղասիս գիւղի համար:

Յունիսի 20-ին թ. 433. Սինօզը լսեց Վրաստանի Հայոց Կոնսիստորիայի անցած մայիսի 9-ի № 2105 յայտարարութիւնը Գորի քաղաքի Մկրտիչ քահանայ Արշակունու անպարկեշտ վարմունքների մասին. որոշեց. աչքի առաջ ունենալով Գորի քաղաքի Մկրտիչ քահանայ Արշակունու անուղղայ ու զայթակղեցուցիչ վարք ու բարքը՝ Վրաստանի Հայոց Կոնսիստորիայի եղբակացութեան համեմատ զրկել նրան քահանայական աստիճանից և խաղաղարձակել հոգեւոր կոչումից. Վճախ կատարման համար տալ հրաման Վրաստանի Հայոց կոնսիստորիային. պատուիրելով կատարման մասին տալ անդեկութիւն Սինօզին. Սոյն վճախ մասին յայտնել նաև Թիֆլիզի նահանգապետին:

Յունիսի 24-ին թ. 438. Սինօզը լսեց Ներքին Գործերի պ. նախարարի անցած մայիսի 25-ի № 4897 առաջադրութիւնը. որով յայտնում է. թէ Բաղուի քաղաքապետը Ներկայացրել է Ներքին Գործերի նախարարութեանը Բաղուի Շրջանային Դատարանի այս տարուայ Մարտի 9-ի վճախ պատճէնը. որով հաստատուել է Բաղուեցի Լիւդվիկ

Սէրգէի կտակը, որպիսի կտակով յատկացուած է Բաղուի նորակառոյց Հայոց եկեղեցու օգտին 1000 ռուբ. փարագոյր գնելու համար, նաև 600 ռուբ. իւր թաղման և տապանաքարի համար և տարեկան 50-ական ռուբլի իւր համար ամեն տարի հոգեհանգիստ կատարելու, որոշեց. ներքին Գործերի պ. նախարարի № 4897 առաջադրութեան բովանդակութեան մասին տեղեկութիւն տալով Շամախու Կոնսիստորիային, պատուիրել ընդունել Լ. Սէրգէի կտակած գումարները և գործադրել կտակի իմաստի համաձայն:

Յունիսի 24-ին թ. 441. Սինօդը լսեց Ամենապատիւ Տ. Տեղակայի անցած մայիսի 3-ի № 1541 առաջադրութիւնը, որի հետ նորին Ամենապատուութիւնը փերագործեում է Սինօդիս, Մայր Աթոռի և նրան ենթադրեալ բոլոր հաստատութիւնների հաստատած 1911 թուականի նախահաշիւը, որոշեց, ուղարկել Մ. Աթոռի բոլոր հաստատութիւններին, թեմերի Կոնսիստորիաներին և Հոգևոր կառավարութիւններին կարևոր քանակութեամբ նախահաշուի տպագրուած օրինակներից, պատուիրելով անշեղ հետևել նախահաշուում նշանակած գումարներին, որպէս զի իւրաքանչիւր յօդուածի տակ նշանակուած գումարը ծառայէր իւր նպատակին, իսկ եթէ որ և է յօդուածի համար նշանակած գումարը բաւական չլինի սահմանուած ծախքերը լրացնելու, նախահաշուից դուրս նոր գումար ծախսելու համար պէտք է նախապէս օտանալ Սինօդի առանձին թոյլտուութիւնը:

Յունիսի 27-ին թ. 444. Սինօդը լսեց Վասստանի Հայոց Կոնսիստորիայի 1909 թ. փետրուարի 20-ի № 860 յայտարարութիւնը Բորչալուի գաւառի Սանահին գիւղի բնակիչ Մարտիրոս Ռուշանեան Սիմէօնեանցին քահանայ ձեռնադրելու մասին, որոշեց, թոյլ տալ Վասստանի Հայոց Կոնսիստորիային ընդունել Մարտիրոս Սիմէօնեանցին հոգևոր կոչման մէջ Սանահին գիւղի համար քահանայ ձեռնադրուելու և առաջադրել Կոնսիստորիայի նախագահող Տ. Եփրեմ եպիսկոպոսին ձեռնադրել նրան քահանայ:

Պ ա Տ Ն Է Ն .

Ի 27 Մայիսի 1911 թ. № 1442. Ս. Էջմիածնի Սինոդում լսեցին զեկեղծում. Սինոդիս սլ. Պրոկուրորը այս տարուայ յունուարի 17-ի № 38 մակագրութեամբ ուղարկել է Սինոդս մի գրագրութիւն, որից երևում է, որ Մարտիրոս քահանայ Տէր Յարութիւնեանցը և Մեսրոփ քահանայ Մաջառեանցը 1910 թ. կազմելով Աղէքսանդրապօլի Զինուորակոչ Ատեանի համար մետրիքական քաղուած Աւերթլիբուլաղ գիւղի մետրիքական մատեանից՝ չեն նշանակել ցուցակում այդ գիւղի բնակիչ Գասպար Մխիթարովին, սակայն, սրաէս երևում է 1907 թ. Աղէքսանդրապօլի Հոգևոր կառավարութիւնից Զինուորակոչ Ատեանին ուղարկած մետրիքական քաղուածքներից, Մխիթարովը ծնուած է 1888 թ. հոկտ. 3-ին, հետևաբար նա պէտք է մանէր 1910 թ. քահանաների կազմած ցուցակի մէջ. Մարտիրոս քահանան այս առթիւ բացատրում է, թէ ինքը քահանայագործում է Աւերթլիբուլաղ գիւղում սկսած 1899 թ. և տեղեկութիւնի չունի 1888 թ. մատեանների մասին. իսկ կազմել է մետրիքական քաղուածը Աղէքսանդրապօլի Հոգևոր կառավարութիւնից վերցրած տեղեկութիւնների հիման վերայ. Մեսրոփ քահանան բացատրում է, թէ ինքը Աւերթլիբուլաղ գիւղի քահանայ չէ, այլ գործակալ Բողեօխուշի շրջանի, որի մէջ մտնում է այդ գիւղը. քաղուածը կազմել է Մարտիրոս քահանան, թէ ինչ աղբիւրից՝ իրեն յայտնի չէ, այլ ինքը իբրև գործակալ վաւերացրել է Զինուորակոչ Ատեանին ուղարկած այդ քաղուածքը. Աղէքսանդրապօլի Զինուորակոչ Ատեանը, ուղարկելով այս գրագրութիւնը երևանի նահանգական Զինուորակոչ Ատեանին, աւելացնում է, որ յաճախ երբ երիտասարդներ զինուոր են կանչւում արտաքին տեսքով ճարում են նոքա մետրիքական քաղուած իբրև ապացոյց այն բանի, որ նոքա դեռ չեն հասել զինուորակոչ հասակի, այդ պատճառով էլ նոցա անունը հանւում է զինուորակոչ ցուցակից, այն պայմանով, որ կանչ-

ուեն նոքա իրենց հասակակիցների հետ, մինչդեռ, նոցա նորից կանչելու ժամանակը, նոքա իրենց հասակակիցների թուում, քահանաների կազմած ցուցակով, չեն երևում, և դորժում՝ յառաջանում է սարսափելի խառնաշփոթութիւն։ Նկատի ունենալով նման կրկնուող շատ դէպքեր, Զինուորակոչ Ատեանը մի քանի անգամ խնդրել է Ազգ. ասնդրօպօլի Հոգևոր կառավարութեանը ուշադրութեամբ համեմատել և ստուգել քահանաների կազմած մետրիքական քաղուածները կառավարութեան մատեանների հետ, բայց Հոգևոր կառավարութիւնը չէ յարգել այդ խնդիրը և մետրիքական քաղուածները առաջուայ նման ուղարկուում են չստուգուած։ Այդ պատճառով Գաւառական Զինուորակոչ Ատեանը խնդրում է Նահանգականին կարգադրել, որպէս զի քահանաների կազմած քաղուածները Հոգևոր կառավարութիւնը ուշի ուշով ստուգէ և համեմատէ կառավարութեան մետրիքական մատեանների հետ։ Այս խնդրի մասին Երևանի Նահանգական ատեանը խընդրել է Սինօդի պ. Պրօկաւորի աջակցութիւնը և կարգադրութիւնը, իսկ պ. Պրօկօրօրը խնդրում է Սինօդիս անել պատշաճ չրջաբերական կարկադրութիւն։ Հրամայեցին, ուղարկելով օրագրիս պատճէնը՝ չրաջաբերական հրամանով պատուիրել բոլոր կոնսիստորիաներին կարգադրել, որ մետրիքական քաղուածները, որ տրուում են զինուորակոչ ատեաններին, նախապէս ամենայն ուշադրութեամբ համեմեմատու են չափաբերական մատեանների արձանագրութեանց հետ և խնամքով ստուգուեն։ Այս վճիռը հրատարակել նաև «Արարատ» ամսագրում։

Բնագիրը կրում է պատշաճ օրագրութիւններ, բնագրին համեմատ է.

Յ. ՄՈՒՇԷՂԵԱՆ

